

Sign. *Mjeri Falić*
26.05.2020.

UNIVERZITET U SARAJEVU
FILOZOFSKI FAKULTET
Odsjek za komparativnu književnost i bibliotekarstvo

Komisija za pripremanje prijedloga za izbor u zvanje *vanrednog profesora* na Odsjeku za komparativnu književnost i bibliotekarstvo

Nastavno naučnom Vijeću Filozofskog fakulteta u Sarajevu

Na osnovu člana 106, 107. i 135. Zakona o visokom obrazovanju („Službene novine Kantona Sarajevo“, br. 33/17.), člana 104. i 205. Statuta Univerziteta u Sarajevu, broj: 01-1093-3-1/18 od 28. 11. 2018. godine, Odluke Vijeća Fakulteta o raspisivanju konkursa za izbor akademskog osoblja u akademski zvanja, br: 02-01/29 od 27. 1. 2020. godine, Odluke Senata Univerziteta u Sarajevu o davanju saglasnosti na raspisivanje konkursa za izbor u akademskog osoblja, br. 01-3-52/20 od 26. 2. 2020. godine, prijedloga Odsjeka za komparativnu književnost i bibliotekarstvo broj: 02-08/39 od 27. 4. 2020. godine i mišljenja sekretara Fakulteta, broj: 03-02/ 363 od 30. 4. 2020. godine, Vijeće Fakulteta na 22. elektronskoj sjednici održanoj 6. 5. 2020. donijelo je Odluku br. 02-01/186 od 6. 5. 2020, o imenovanju Komisija za izbor akademskog osoblja radi pripremanja prijedloga za izbor u zvanje *vanredni profesor* za PODRUČJE (OBLAST): *DRUŠTVENE NAUKE*, POLJE: *INFORMACIJSKE NAUKE*, GRANA: *BIBLIOTEKARSTVO* (PREDMETI: *Bibliografija Bosne i Hercegovine 1, Organizacija informacija, Bibliografija Bosne i Hercegovine 2, Bibliografska kontrola II, Baze podataka, IP Informacijski izvori i službe, Informacijski sistemi i mrežniservisi, Informacijski sistemi, Oblikovanje i održavanje mrežnih stranica, Osnove web dizajna*) na Odsjeku za komparativnu književnost i bibliotekarstvo.

Komisiju čine:

1. Dr. Senada Dizdar, doktor bibliotečkih nauka, redovni profesor na Odsjeku za komparativnu književnost i bibliotekarstvo Filozofskog fakulteta Univerziteta u Sarajevu, na naučnim oblastima bibliotekarstvo (predmeti: *Uvod u klasifikaciju, Bibliotečki standardi i bibliografska kontrola, Klasifikacija i klasifikacijski sistemi, Bibliotečka katalogizacija i OPAC, Sadržajna analiza: osnove i metode, IP Organizacija znanja, IP Časopisi i znanstvena komunikacija, IP Metapodaci, informacijske nauke* (predmeti: *Metodologija i tehnika naučnog rada, Akademsko pisanje*), predsjednica,
2. Dr. Lejla Kodrić Zaimović, doktor nauka iz oblasti bibliotečkih (informacionih i komunikacijskih) nauka, vanredni profesor na Odsjeku za komparativnu književnost i bibliotekarstvo Filozofskog fakulteta Univerziteta u Sarajevu, na naučnoj oblasti *bibliotekarstvo*, članica
3. Dr. Mario Hibert, doktor nauka iz oblasti bibliotečkih (informacionih i komunikacijskih) nauka, vanredni profesor na Odsjeku za komparativnu književnost i bibliotekarstvo Filozofskog fakulteta Univerziteta u Sarajevu, na naučnoj oblasti *bibliotekarstvo* (predmeti: *Osnove informacijskih znanosti i bibliotekarstva 1 i 2, IP*

Informacijsko zakonodavstvo i etika, Biblioteke u multikulturalnom informacijskom društvu, IP Informacijska politika, Digitalne biblioteke, Praksa u bibliotečko informacijskoj instituciji) bibliotekarstvo, kulturalne studije (predmet: Internet kultura), član

Dana 07. 05. 2020. godine Komisija je zaprimila akt Fakulteta br. 03-02/380 od 06. 05. 2020. godine kojim se dostavlja kompletan natječajni materijal prijavom kandidata i Izvještaj Pravne službe Filozofskog fakulteta Univerziteta u Sarajevu sačinjen nakon obrade prijave. Komisija je analizirala cjelokupan zaprimljeni materijal, pa Vijeću Fakulteta podnosi slijedeći

IZVJEŠTAJ s prijedlogom odluke o izboru

Navedenim aktom Fakulteta Komisija je obaviještena da se na konkurs koji je (na temelju odluke Vijeća Fakulteta br. 02-01/29 od 27.1. 2020. godine i odluke Senata Univerziteta u Sarajevu o davanju saglasnosti na raspisivanje konkursa za izbor akademskog osoblja, br. 01-3-52/20 od 26.2.2020. godine) objavljen u dnevnom listu *Oslobođenje* i na *web stranici Univerziteta u Sarajevu i Filozofskog fakulteta Univerziteta u Sarajevu*, dana 21. 3. 2020. godine, zaključen je dana 21. 4. 2020.godine, zbog stanja uzrokovanog pandemijom COVID-19. Na objavljeni konkurs prijavila se jedna kandidatkinja, **dr. Lejla Hajdarpašić**, doktor nauka iz oblasti bibliotečkih (informacijskih i komunikacijskih nauka)- docent, s naznakom da se prijavljuje za akademsko zvanje **vanrednog profesora**.

Kandidatkinja dr. sc. Lejla Hajdarpašić je uz prijavu na Konkurs predala i slijedeću dokumentaciju:

DR. LEJLA HAJDARPAŠIĆ, doktor nauka iz oblasti bibliotečkih (informacijskih i komunikacijskih nauka). Uz prijavu na konkurs kandidatkinja je dostavila: Diplomom o stečenom akademskom stupnju *doktorica znanosti iz znanstvenog područja društvenih znanosti, znanstvenoga polja informacijskih i komunikacijskih znanosti* (ovjerena fotokopija), Rješenje Filozofskog fakulteta Univerziteta u Sarajevu, broj: 03-10/50 od 16. 9. 2014. godine o nostrifikaciji Diplome o akademskom stupnju *doktorica znanosti iz znanstvenog područja društvenih znanosti, znanstvenoga polja informacijskih i komunikacijskih znanosti* i priznatom naučnom stepenu *doktor nauka iz oblasti bibliotečkih (informacijskih i komunikacijskih nauka)* (ovjerena fotokopija), Diplomom o stečejoj akademskoj tituli i zvanju *magistar komparativne književnosti i bibliotekarstva* (ovjerena fotokopija) sa Dodatkom diplomom koji sadrži prepis ocjena i prosjek (ovjerena fotokopija), Diplomom o stečejoj visokoj stručnoj spremi i stručnom nazivu *diplomirani komparativista i diplomirani bibliotekar* (ovjerena fotokopija), Biografiju (CV) i spisak objavljenih naučnih radova, projekata, patenata ili originalnih metoda iz oblasti za koju se vrši izbor (štampana i e-forma na CD-u), Bibliografiju (štampana i e-forma na CD-u), Listu objavljenih knjiga, udžbenika i naučnih radova (štampana i e-forma na CD-u), Personalnu bibliografiju za period 2007-2020 (štampana i e-forma na CD-u), Odluku Univerziteta u Sarajevu, broj: 0101-1370/16 od 27. 1. 2016. godine iz koje je vidljivo da je kandidatkinja bila imenovana za koordinatora Univerziteta u Sarajevu za realizaciji projekta *ERASMUS+BCHE project 561987 – Project Library Network Support Services (LNSS)* (original), Podaci o nagradama i priznanjima u vezi sa odgovarajućom naučnom oblasti - *Zahvalnica Univerziteta u Sarajevu za doprinos realizaciji projekta promocije upisa na Univerzitetu u Sarajevu u 2019/2020. godini, Plaketa BAM za doprinos radu Asocijacije BAM i afirmaciji informacijskih stručnjaka, Srebrna plaketa BAM*

Odsjeku za komparativnu književnost i bibliotekarstvo Filozofskog fakulteta Univerziteta u Sarajevu kao suorganizatoru na organizaciji BAM konferencija Evropske smjernice za saradnju biblioteka, arhiva i muzeja, Fondacija/zaklada Kemal Bakaršić - Odluka o dodjeli nagrade Katedri za bibliotekarstvo Odsjeku za komparativnu književost i bibliotekarstvo Filozofskog fakulteta Univerziteta u Sarajevu za doprinos unapređenju bibliotekarstva u Bosni i Hercegovini na obrazovnom, teorijskom i praktičnom planu, Potvrdu Univerziteta u Sarajevu od 24. 3. 2020. godine iz koje je vidljivo da je kandidatkinja dobitnica priznanja Zlatna značka Univerziteta u Sarajevu u studijskoj 2006/2007. godini (fotokopije), Potvrdu Filozofskog fakulteta Univerziteta u Sarajevu iz koje je vidljivo da je kandidatkinja bila određena za mentora studentima II ciklusa studija sa ispisom iz COBISS baze podataka: Selak Amini, Bajrić Amini, Ćuković Ljiljani, Džido Almedini i Begović Dženisi (skenirano), Potvrdu Filozofskog fakulteta Univerziteta u Sarajevu, broj: 03-01/21 od 25. 3. 2020. godine o radu u nastavnonaučnom procesu i provedenom izboru u prethodnom zvanju *docent* (skenirano), Izvod iz matične knjige rođenih (original), Uvjerenje o državljanstvu (original), knjige i radove kako slijedi:

- *NACIONALNA BIBLIOGRAFSKA KONTROLA U DIGITALNOM OKRUŽENJU*, Sarajevo, 2019., (na 235 stranica), original, kao i dokaz da se nalazi u COBISS bazi podataka;
- *AMERIČKE JAVNE BIBLIOTEKE: TRENDOVI USLUGA I POGLED NA KVALITET*, Zbornik radova 8. međunarodne konferencije BAM 2014, Evropske smjernice za saradnju biblioteka, arhiva i muzeja, Kvalitet usluga i standardi, Sarajevo-Travnik, 2014, (str. 26-39), fotokopija, kao i dokaz da se nalazi u COBISS bazi podataka;
- *BIBLIOGRAFSKA HEURISTIKA U SAVREMENOM INFORMACIJSKOM OKRUŽENJU*, Prikaz i prilozi, Bosniaca: časopis Nacionalne i Univerzitetske biblioteke BiH, Broj 20, Sarajevo, 2015. (str. 88-89), fotokopija, e-izdanje, kao i dokaz da se nalazi u COBISS bazi podataka;
- *BIBLIOGRAFIJA ČASOPISA OBRAZOVANJE ODRASLIH: ČASOPIS ZA OBRAZOVANJE ODRASLIH I KULTURU*, (2001- 2018), Obrazovanje odraslih, časopis za obrazovanje odraslih i kulturu Obrazovanje odraslih II/2018, Sarajevo (str. 135-195), fotokopija, kao i dokaz da se nalazi u COBISS bazi podataka;
- *PRISTUPAČNOST U DIGITALNOM DOBU: OD PRILAGOĐENOG KA UNIVERZALNOM PRISTUPU*, Pregled, časopis za društvena istraživanja, Sarajevo, Univerzitet u Sarajevu, 2019, LX (2), (str. 209-225), fotokopija, kao i dokaz da se nalazi u COBISS bazi podataka;
- *BIBLIOGRAFIJA ČASOPISA SOPHOS (2008-2017)*, Sophos, časopis mladih istraživača, Filozofski fakultet Sarajevo, 10/2017, (str. 237-263), fotokopija, kao i dokaz da se nalazi u COBISS bazi podataka;
- *INFORMATION COMMONS CENTRE IMPACT ON STUDENTS ATTITUDE AND WISHES*, WBLIC 2016, Zbornik radova međunarodne naučne konferencije Informacijska pismenost na Zapadnom Balkanu, Informacijska pismenost u digitalnom svijetu, Bihać, 8-11 jun 2016, (str. 53-59), fotokopija, kao i dokaz da se nalazi u COBISS bazi podataka;
- *UREĐENJA OBAVEZNOG PRIMJERKA ELEKTRONSKE GRAĐE*, Bosniaca, časopis Nacionalne i Univerzitetske biblioteke BiH, Broj 24, 2019, (str. 100-106), fotokopija, e-izdanje, kao i dokaz da se nalazi u COBISS i HRČAK bazi podataka;
- *INFORMATION LITERACY INITIATIVES AT THE FACULTY OF PHILOSOPHY IN SARAJEVO*, Media and Information Literacy for the Sustainable Development Goals / Eds. Jagtar Singh, Alton Grizzle, Sin Joan Yee, Sherri Hope Culver. Göteborg: The International Clearinghouse on Children, Youth and Media Nordicom University of Gothenburg, 2015. (str. 97-103), fotokopija, e-izdanje, kao i dokaz da se nalazi u COBISS bazi podataka;
- *IZAZOVI IDENTIFIKACIJE DEMATERIJALIZIRANIH OBJEKATA NACIONALNE BIBLIOGRAFSKE KONTROLE*, Bosniaca, časopis Nacionalne i Univerzitetske biblioteke BiH, Sarajevo, Broj 20, 2015, (str. 25-31), fotokopija, kao i dokaz da se nalazi u COBISS bazi podataka;
- *ULOGA I ZNAČENJE OBAVEZNOG PRIMJERKA U UNAPREĐNJU OBRAZOVNOG I ZNANSTVENO-ISTRAŽIVAČKOG PROCESA*, Slobodan pristup informacijama, 16. okrugli stol o slobodnom pristupu informacijama, Knjižnice i dostupnost informacija u obrazovnom procesu, Zagreb, Nacionalna i sveučilišna knjižnica, 2016, (str. 25-34), fotokopija, kao i dokaz da se nalazi u COBISS bazi podataka;

- *QUALITY SELF - ASSESSMENT OF ACADEMIC LIBRARIES OF THE UNIVERSITY OF SARAJEVO*, Zbornik radova međunarodne naučne konferencije Informacijska pismenost na Zapadnom Balkanu, Generacija Z: Lažne novosti i informacijska pismenost, novi pogledi, Bijač 6-9 juni, 2017, (str. 55-59), fotokopija, kao i dokaz da se nalazi u COBISS bazi podataka;
- *INFORMATION LITERACY INITIATIVES AT THE FACULTY OF PHILOSOPHY IN SARAJEVO*, Media and information literacy for the sustainable development goals, 2015, (str. 97-103), fotokopija, kao i dokaz da se nalazi u COBISS bazi podataka;
- *BIBLIOGRAFIJA ČASOPISA VRHBOSNENSIA (1997-2016)*, Vrhbosnensia, časopis za teološka i međureligijska pitanja, Sarajevo, Katolički bogoslovni fakultet Univerziteta u Sarajevu, Vol.21, br. 1, 2017. (str. 5-138), fotokopija, kao i dokaz da se nalazi u COBISS bazi podataka;
- *BIBLIOGRAFSKI PROJEKT DRUŠTVA BIBLIOTEKARA FEDERACIJE BOSNE I HERCEGOVINE*, Pregled, časopis za društvena istraživanja, Sarajevo, Univerzitet u Sarajevu, 2017, Broj 2, Godište LVII, (str. 207-210), fotokopija, kao i dokaz da se nalazi u COBISS bazi podataka;
- *STRATEŠKO PLANIRANJE U VISOKOŠKOLSKIM BIBLIOTEKAMA*, Pregled, časopis za društvena istraživanja, Univerzitet u Sarajevu, Sarajevo, 2017, Broj 2, (str. 159-163), fotokopija, kao i dokaz da se nalazi u COBISS bazi podataka;
- *VISOKOŠKOLSKE BIBLIOTEKE U SISTEMU NAUČNE KOMUNIKACIJE*, Bosniaca, časopis Nacionalne i univerzitetske biblioteke BiH, broj 24, 2019, (str. 48-54), fotokopija, e-izdanje, kao i dokaz da se nalazi u COBISS i HRČAK bazipodataka;
- *RUSA-INE SMJERNICE ZA IZRADU BIBLIOGRAFIJE*, Asocijacija informacijskih stručnjaka - bibliotekara, arhivista i muzeologa, Sarajevo, 2015., fotokopija naslovnice, kao i dokaz da se nalazi u COBISS bazi podataka;
- *BIBLIOGRAFIJA SARAJEVSKOG CVJETNIKA: PRILOG POVIJESTI KNJIGE*, recenzija Lejla Hajdarpašić, Filozofski fakultet Univerziteta u Sarajevu, Sarajevo, 2017, fotokopija naslovnice, e-izdanje, kao i dokaz da se nalazi u COBISS bazi podataka;
- *MAPPING OF TURBE IN BOSNIA AND HERZEGOVINA*, sažetak, GCH 2019, Eurographics Workshop on Graphics and Cultural Heritage, (str. 16), fotokopija, e-izdanje, kao i dokaz da se nalazi u COBISS bazi podataka;
- *PROGRAMI ZAŠTITE, PROMOCIJE I PRIBLIŽAVANJE KULTURNE BAŠTINE ŠIROJ JAVNOSTI, 9. međunarodna konferencija BAM 2016.*, Program zaštite, promocije, i približavanja kulturne baštine široj javnosti, Sarajevo/Mostar, 2016, Sarajevo, 2017, fotokopija naslovnice, kao i dokaz da se nalazi u COBISS bazi podataka;
- *BIBLIOGRAFIJA BILTENA DRUŠTVA BIBLIOTEKARA BIH I NARODNE BIBLIOTEKE NR BIH I ČASOPISA BIBLIOTEKARSTVO 1955-2001*, fotokopija naslovnice, kao i dokaz da se nalazi u COBISS bazi podataka;
- *DAROV ZA ZBIRKE: SMJERNICE ZA BIBLIOTEKE*, BAM Asocijacija informacijskih stručnjaka-bibliotekara, arhivista i muzeologa, Sarajevo, 2014, fotokopija naslovnice;
- *BIBLIOTEKE ZA SLIJEPE U INFORMACIJSKOM DOBU: SMJERNICE ZA RAZVOJ SLUŽBI I USLUGA*, SARAJEVO, 2018, fotokopija naslovnice, sa dokazom da su *BIBLIOTEKE ZA SLIJEPE U INFORMACIJSKOM DOBU: SMJERNICE ZA RAZVOJ SLUŽBI I USLUGA* je provedene u okviru projekta pod nazivom Library Network Support Services: Modernising libraries in Western Balkan countries through staff development and reforming librar.

Iz priložene dokumentacije Komisija je o kandidatkinji dr. Lejli Hajdarpašić utvrdila je slijedeće:

BIOGRAFSKI PODACI

Lejla Hajdarpašić diplomirala je na Odsjeku za komparativnu književnost i bibliotekarstvo Filozofskog fakulteta Univerziteta u Sarajevu 2006. godine i kao najuspješnija studentica Filozofskog fakulteta dobitnica je *Zlatne značke Univerziteta u Sarajevu*. Drugi ciklus studija na istoimenom Odsjeku završava 2011. godine, a doktorira na Filozofskom

fakultetu Sveučilišta u Zagrebu 2014. godine, stekavši time pravo na akademski stupanj doktorica znanosti iz znanstvenog polja informacijskih i komunikacijskih znanosti.

Radno iskustvo

Na Odsjeku za komparativnu književnost i bibliotekarstvo birana je 2009. godine u zvanje asistentice, 2012. godine u zvanje više asistentice, a 2015. godine u zvanje docentice za oblast bibliotekarstvo. Bila je prodekanesa za nastavu i studentska pitanja Filozofskog fakulteta od 2018. do 2019. godine. Od 2019. godine predsjednica je Odbora za bibliotečko-informacijski sistem Univerziteta u Sarajevu.

Područja njenog interesovanja su Univerzalna bibliografska kontrola i informacijska pismenost, te je za te oblasti vezan najveći broj njenih radova u časopisima i zbornicima, te učešća na konferencijama.

Radovi

Naučna i stručna karijera dr. Lejle Hajdarpšić bogata je i raznovrsna, što je vidljivo iz bibliografije njenih radova. Autorica je knjige *Nacionalna bibliografska kontrola u digitalnom okruženju* (2019.), a u kaautorstvu sa Senadom Dizdar, Lejlom Turčilo, Bebom Ešrefom Rašidović, objavila je priručnik *Informacijska pismenost: smjernice za razvoj inovativnih mrežnih modula*, koji je imao dva izdanja (2012, 2014.).

Baveći se raznovrsnim temama objavila je oko 40 radova, od toga 15 u časopisima, 13 u zbornicima, šest poglavlja u knjizi, te u priručnicima, kao i jedan prijevod i dvije stručne redakcije prijevoda, zatim pet prikaza, dva sažetka naučnih izlaganja na konferencijama i dvije recenzije, ima dva pozvana predavanja.

Kao sudionik brojnih naučnih skupova, konferencijskih i poster izlaganja, te izlaganja na okruglim stolovima i skupovima (33), promovirala je bibliotekarstvo kao naučnu disciplinu i ukazala na izuzetnu vrijednost bibliotekara kao profesije, o čemu svjedoči i članstvo u profesionalnim organizacijama.

Članstvo u asocijacijama

Članica je Sekcije za fakultetske i specijalne biblioteke unutar Asocijacije informacijskih stručnjaka – bibliotekara, arhivista i muzeologa (BAM). U tom udruženju bila je član uređivačkog odbora za Zbornik radova objavljen 2016. godine i radila je na stručnoj redakciji standarda *RUSA-ine smjernice za izradu bibliografije* (2015.). Članica je Programskog odbora ECIL-a (The European Conference on Information Literacy), te recenzentica časopisa *Obrazovanje odraslih*. Članica je i jedan je od osnivača Društva bibliotekara Federacije Bosne i Hercegovine, a u periodu od 2014. do 2016. godine bila je predsjednica Skupštine Društva bibliotekara Federacije Bosne i Hercegovine.

Projekti

Važna aktivnost docentice Hajdarapašić je učešće u međunarodnim i domaćim projektima već od samog početka njenog radnog angažmana. Kao član Radne grupe za obučavanje

informativne pismenosti ispred UNSA, 2011. godine učestvuje u realizaciji međunarodnog TEMPUS projekta pod nazivom *Developing information literacy for lifelong learning and knowledge economy in Western Balkan countries* (517117-TEMPUS-1-2011-1-IETEMPUS-JPHES), koji je trajao do 2014. godine. Učestvuje u međunarodnom projektu pod nazivom *School Libraries as a Means to Develop a Democratic Society through Strengthening Information Literacy and Lifelong Learning*(S-BK800-13-GR-032) u periodu od 2013. do 2014. godine (trener). U proteklom periodu bila je koordinatorica ERASMUS+ projekta za UNSA pod nazivom *Library Network Support Services (LNSS): modernising libraries in Western Balkan countries through staff development and reforming library services* (561987-EPP-1-2015-1-IE-EPPKA2-CBHE-JP), koji je trajao od 2015. do 2018. godine.

Učešće na domaćim projektima započinje 2013. godine angažmanom u projektu *Obrazovanje srednjoškolskih bibliotekara za društvo znanja Kantonu Sarajevo*, kao trener. Godine 2015. učestvovala je u projektu *Online digitalni repozitorij teza i diplomskih / master radova Univerziteta u Sarajevu: ORTEZ* (Ugovor broj 04-38-4-2572-1/14) 2015., kao predavač, kao i u projektu pod nazivom *Osiguranje kvaliteta naučnoistraživačkog rada kroz prevenciju plagijarizma*. Od 2018. godine učestvuje u realizaciji projekta (koji je i sada u toku) *Funkcionalna organizacija bibliotečkih aktivnosti i upravljanja u novoj zgradi univerzitetske biblioteke u Sarajevu*, gdje je predsjednica Radne grupe za preseljenje građe. Od 2012. godine, na Odsjeku za pedagogiju Filozofskog fakulteta Univerziteta u Sarajevu, u okviru projekta pod nazivom *Pedagoško obrazovanje nastavnika*, učestvuje u realizaciji modula *Informativna pismenost*.

Mentorski rad

Pripreme za pedagošku i nastavničku aktivnost docentica Hajdarpašić započela je na Univerzitetu u Sarajevu gdje je 2014. godine pohađala treninge za akademsko osoblje: *Benchmarking – teoretske osnove i pristupi TRAIN* programa. Znanja i vještine stečene kroz ovaj oblik neformalnog obrazovanja bit će dobra osnova za predavački i mentorski rad kandidatkinje koji je slijedio u periodu docenture. U periodu od 2015. do 2020. godine bila je mentorica na izradi nekoliko dodiplomskih i pet završnih diplomskih radova, članica komisije za odbranu brojnih dodiplomskih i završnih diplomskih radova, te naučnih magistarskih radova.

Nagrade

Kao članica Odsjeka za komparativnu književnost i bibliotekarstvo Filozofskog fakulteta Univerziteta u Sarajevu, jedna je od dobitnica kolektivne nagrade „Fondacije – Naklade Kemal Bakaršić“ za doprinos unapređenju bibliotekarstva u Bosni i Hercegovini, te jedna od dobitnica kolektivne nagrade Srebrena plaketa Asocijacije informativskih stručnjaka – bibliotekara, arhivista i muzeologa za suorganizaciju BAM konferencija „Evropske smjernice za saradnju biblioteka, arhiva i muzeja“ (2016 godine). Dobitnica je Plakete Asocijacije informativskih stručnjaka – bibliotekara, arhivista i muzeologa za doprinos radu Asocijacije BAM i afirmaciji informativskih stručnjaka (2016. godine). Također, dobitnica je Zahvalnice Univerziteta u Sarajevu za doprinos realizaciji projekta promocije upisa na Univerzitet u Sarajevu u 2019/2020. godini.

OCJENA RADOVA KOJI KANDIDATKINJU KVALIFICIRAJU ZA IZBOR U ZNANSTVENO-NASTAVNO ZVANJE

Poslije izbora u zvanje docenta kandidatkinja je objavila jednu naučnu monografiju, osam radova u časopisima, tri rada u zbornicima sa skupova, jedno poglavlje u knjizi, jedan prijevod i dvije stručne redakcije prijevoda, tri prikaza, jedan sažetak sa izlaganja na međunarodnoj konferenciji, dvije recenzije.

Na temelju priložene bibliografije i radova relevantnih za izbor u dijelu koji slijedi analizirat ćemo radove koji je kvalificiraju za zvanje *vanrednog profesora* u području za koje se kandidira. Radovi koje ćemo prikazati pokazuju da se kandidatkinja bavi pitanjima iz područja Univerzalne bibliografske kontrole, informacijske pismenosti i da teorijska znanja primjenjuje u izradi bibliografija.

Knjiga

Naučna monografija dr. Lejle Hajdarpašić pod nazivom *Nacionalna bibliografska kontrola u mrežnom okruženju* (2018.) utemeljena je na promišljanju da Univerzalna bibliografska kontrola, kao najreprezentativniji program međunarodne bibliotečke zajednice, na brojne promjene i izazove globalne složene informacijske pozornice treba odgovoriti evolucijskim rješenjima koja počivaju na spoju tradicije, inovacije i saradnje, na kombinaciji koja je snažna podrška programu Univerzalne dostupnosti publikacija i koja, formalno uređena, omogućava prikupljanje i očuvanje ukupnog kulturnog identiteta nasljeđa pojedine zemlje.

U rješavanju tako kompleksnog zadatka autorica uspješno elaborira temu kroz osam poglavlja u kojima identificira promjene nastale u definiranju temeljnih elemenata nacionalne bibliografske kontrole (posebno se osvrnuvši na instituciju obaveznog primjerka), zatim klasificira i komparira savremene oblike nacionalne bibliografske kontrole, predstavlja sisteme za prikupljanje mrežne građe i metapodatke primjerene novom okruženju, sve ih analizira i kritički propituje, i time naučno-teorijski obogaćuje ovu problematiku o kojoj na bosanskohercegovačkom prostoru i nije bilo značajnih radova, pa je ova knjiga veoma važna za bibliotečku zajednicu, ne samo u BiH nego i na širem području, kao i vrijedana literatura studentima bibliotekarstva.

Radovi u časopisima, zbornicima i znanstvenim monografijama

Radovi koje je dr. Lejla Hajdarpašić objavljivala u časopisima, zbornicima radova i naučnim monografijama tematski pripadaju području na koji je i aplicira na konkurs, a to su: univerzalna bibliografska kontrola (uže područje bibliografija i sistemi za organizaciju znanja) i informacijska pismenost. Teme su često interdisciplinarne, a rezultat su istraživačkih projekata, pa je veći broj radova nastao u koautorstvu.

U prvu grupu radova spada osam radova objavljenih u relevantnim časopisima koji imaju double-blind peer review recenziju i indeksirani su u bazama podataka.

U koautorstvu sa Sašom Madacki nastao je rad *Pristupačnost u digitalnom dobu: Od prilagođenog ka univerzalnom pristupu* objavljen u časopisu *Pregled* (2019.). Rad se bavi ulogom visokoškolskih institucija i njihovim mogućnostima u osiguravanju dostupnosti informacija. Provedeno istraživanje je detektiralo brojne prepreke u pružanju bibliotečko-informacijskih usluga korisnicima s invaliditetom u bibliotekama organizacionih jedinica Univerziteta u Sarajevu, ukazujući na hitnu potrebu prilagođavanja usluga potrebama osoba sa invaliditetom. Časopis *Pregled* je indeksiran je u EBSCO Publishing i INDEX COPERNICUSU, a rad je svrstan u kategoriju preglednih naučnih članaka.

U časopisu *Bosnica* (2019.) objavljuje dva rada. Prvi rad je *Uređenja obaveznog primjerka elektronske građe*. Tema je izrazito relevantna i veoma važna za bh bibliografsku praksu, budući da ukazuje na potrebe izmjena zakonske regulativi, koja će omogućiti arhiviranje i digitalne građe. Ovakvih radova u bosanskohercegovačkoj praksi je veoma malo, što dodatno povećava njegovu vrijednost.

Drugi rad pod naslovom *Visokoškolske biblioteke u sistemu naučne komunikacije*, urađen u koautorstvu sa Džejlom Khattab, je dobar primjer efikasnog pozicioniranja akademske biblioteke u izdavaštvu naučnih informacija, posebno u kontekstu inicijativa otvorenog pristupa (OA, engl. Openaccess), te principa otvorene nauke (OS, engl. open science). Časopis *Bosnica* je indeksiran u EBSCO host Central & Eastern European Academic Source, i The Belt and Road Initiative Reference Source Web of Science -Emerging Sources Citation Index, ERIH PLUS, INDEX COPERNICUSU. Oba rada su svrstana u kategoriju preglednih radova.

Još jedan rad nastao je u koautorstvu sa Džejlom Khattab, pod naslovom *Information Literacy of Library Science Students at the Faculty of Philosophy*, a objavljen u *Romanian Journal of Library and Information Science*(2019.). Rad tematizira problematiku informacijske pismenosti studenata bibliotekarstva na Filozofskom fakultetu Univerziteta u Sarajevu. Tematsko-problemski i teorijsko metodološki rad se ocjenjuje pozitivno i klasificira kao izvorni znanstveni rad. Časopis je uključen u fulltext databases EBSCO Library & Information Science Source i European Reference i u Index for the Humanities and the Social Sciences (ERIH PLUS).

Na tragu propitivanja uspostave nacionalne bibliografske kontrole nad publikacijama i „dematerijaliziranim“ objektima bibliografske kontrole nastao je i rad *Izazovi identifikacije dematerijaliziranih objekata nacionalne bibliografske kontrole*. Objavljen u *Bosniaci* 2015. U radu se promovira institucija obaveznog primjerka, kao najoptimalnijeg mehanizama za identifikaciju, ali i prikupljanje, očuvanje te promoviranje ukupne digitalne baštine pojedine zemlje. Tu je analiziran i jedan od najznačajnihi evropskih projekta, BIBLINK projekt, prepoznat kao primjer aplikacijskog profila. Rad zaključno akcentira da razvijanje sistema rane identifikacije mrežnih publikacija može djelimično pomoći procese identifikacije dematerijaliziranih objekata nacionalne bibliografske kontrole, koje treba prepoznati kao pomoćne elemente sastavnica nacionalne bibliografske kontrole. Tematsko-problemski i teorijsko metodološki rad se ocjenjuje pozitivno i klasificira kao izvorni naučni rad. Časopis *Bosniaca* bio je tada je indeksiran u EBSCO hostu.

U ovu grupu radova spadaju i objavljene bibliografije, kao posebna kategorija radova. Pa tako kandidatkinja Hajdarpašić, zajedno sa A. Bajrić, izrađuje *Bibliografiju časopisa Obrazovanje odraslih: Časopis za obrazovanje odraslih i kulturu*, objavljenu u časopisu *Obrazovanje odraslih: Časopis za obrazovanje odraslih i kulturu* (2018.). Časopis je indeksiran u EBSCO bazi.

Bibliografija časopisa Sophos (2008-2017) Lejle Hajdarpašić publicirana je u istoimenom časopisu *Sophos* (2017.). Časopis je indeksiran u naučnim bazama podataka INDEX COPERNICUS INTERNATIONAL i EBSCO host.

Posebno je potrebno istaći sveobuhvatnu *Bibliografiju časopisa Vrhbosnensia* (1997-2016.) urađenu sa I. Pejić i A. Mešić, objavljenu u časopisu *Vrhbosnensia: Časopis za teološka i međureligijska pitanja Katoličkog bogoslovnog fakulteta Univerziteta u Sarajevu* (11-138. str.). Časopis je referiran u EBSCO bazi podataka (Ipswich, Massachusetts, SAD) i u *Religious & Theological Abstracts* (Myerstown, SAD).¹

Angažman grupe istraživača u okviru projekta *ERASMUS + Capacity Building in Higher Education (CBHE) Library Network Support Services (LNSS): modernising libraries in Western Balkan countries through staff development and reforming library services (CBHE project 561987)* obavezao je učesnike da publiciraju radove vezane za istraživanje bosanskohercegovačkog bibliotekarstva, te su tako nastali radovi docentice Hajdarpašić, urađeni u kaoautorstvu i prezentirani u zbornicima radova *Proceedings International scientific conference Western Balkan Information Literacy Conference (wbilc)*.

Rad *Quality Self-Assessment of Academic Libraries of the University of Sarajevo*, objavljen u ovom zborniku nastao je u koautorstvu S. Dizdar, L. Hajdarpašić i N. Grebović-Lendo (2017.). U radu se na posredan način (preko samovrednovanja bibliotečkih kompetencija) ispituje nivo informacijskog opismenjavanja bibliotekara na Univerzitetu u Sarajevu. Tematsko-problemski i teorijsko metodološki rad se ocjenjuje pozitivno i klasificira kao izvorni naučni rad.

U okviru ovog projekta je i rad *Information Commons Impact on Student Attitude and Wishes*, nastao u koautorstvu sa Repanovici, Angelao i Koukourakis, Manolisom, objavljen u *Proceedings of the International Scientific Conference „Western Balkan Information Literacy“, Information Literacy in Digital World. Limerick Institute of Technology, 2016.* Tematsko-problemski i teorijsko metodološki rad se ocjenjuje pozitivno i klasificira kao izvorni naučni rad.

Važan tekst za nominiranje docentice Hajdarpašić u vanrednu profesoricu je i pozvano predavanje *Uloga i značenje obaveznog primjerka u unapređivanju obrazovnog i znanstveno-*

¹U bibliografsko-kataloškoj bazi podataka COBIBBiH naveden je i četvrti autor, Darko Tomašević. Ali, da je bibliografija rad tri koautorice, Hajdarpašić, Pejić i Mešić, svjedoči obrazloženje u fusnoti u kojoj se ističe da je Darko Tomašević autor Uvodnog dijela od str. 5-11. Podaci preuzeti iz *Vrhbosnensia, časopis za teološka i međureligijska pitanja, Sarajevo, Katolički bogoslovni fakultet Univerziteta u Sarajevu, Vol.21, br. 1, 2017. str. 5.*

istraživačkog procesa održano na 16. okruglom stolu *O slobodnom pristupu informacijama*, publiciran u zborniku radova Hrvatskog knjižničarskog društva (2016.). Zbornik se referira u bazi Academic Search Premier (EBSCOhost).

Još jedan tekst od značaja na međunarodnom nivou i vezan je za promoviranje informacijske pismenosti urađen u koautorstvu sa S. Dizdar je *Information Literacy Initiatives at the Faculty of Philosophy in Sarajevo*, objavljen u zborniku radova Media and Information Literacy for the Sustainable Development Goals. MILID Yearbook, UNESCO, 2015. Rad je prošao je peer review recenziju, izvor u publikaciji.²

OSTALI UVJETI

Mentorstva

Nakon izbora u zvanje docenta, kandidatkinja Lejla Hajdarpašić je bila mentor za pet diplomskih / magistarskih radnji, o čemu su dostavljeni dokazi u prijavi. Ti se radovi mogu podvesti pod kategoriju web dizajna, što je jedan od interesa docentice Hajdarpašić: Dž. Begović, Dženisa 2019.; Džido, Almedina 2017.; Ćuković, Ljiljana 2017.; Bajrić, Amina. 2017.; Selak, Amina. 2016.

Iskustvo u nastavi

Lejla Hajdarpašić se u nastavni proces uključuje nakon završetka studija 2009. godine u svojstvu asistenta. To iskustvo je nesumnjivo bilo od značaja za njenu nastavničku karijeru, koju će unaprijediti pohađanjem TRAIN programa 2014. godine. Na Odsjeku za pedagogiju u okviru Soroš projekta *Pedagoško obrazovanje nastavnika* učestuje u realizaciji modula *Informacijska i informatička pismenost* od 2012. do 2020.

Ostale naučne istručne aktivnosti

Dr. Lejla Hajdarpašić je kroz cijelu svoju akademsku karijeru aktivna i u strukovnim udruženjima. Član je asocijacije BAM (Asocijacija informacijskih stručnjaka – bibliotekara, arhivista i muzeologa), te član Organizacionog odbora i urednica *Zbornika radova međunarodne konferencije Asocijacije informacijskih stručnjaka – bibliotekara, arhivista i muzeologa BAM* (2016.). Članica je Programskog odbora ECIL-a (The European Conference on Information Literacy), te recenzentica časopisa *Obrazovanje odraslih*. Od 2019. godine predsjednica je Odbora za bibliotečko-informacijski sistem Univerziteta u Sarajevu.

ZAKLJUČAK S PRIJEDLOGOM ZA IZBOR

Nakon detaljne analize radova, te detaljnog uvida u materijal i priloženu dokumentaciju, Komisija jednoglasno zaključuje da kandidatkinja dr. Lejla Hajdarpašić u potpunosti

²Izvor: The MILID Yearbook is a peer reviewed academic publication and a joint initiative of the UNESCO-UNAOC University Cooperation Programme on Media and Information Literacy and Intercultural Dialogue (MILID). dostupno na http://www.nordicom.gu.se/sites/default/files/publikationer-hela-pdf/milid_yearbook_2015.pdf (11.05. 2020.)

ispunjava sve potrebne zakonom propisane uvjete za izbor u **zvanje vanrednog profesora** za PODRUČJE (OBLAST): HUMANISTIČKE NAUKE, POLJE: INFORMACIJSKE NAUKE, GRANABIBLIOEKARSTVO(PREDMETI: *Bibliografija Bosne i Hercegovine 1, Organizacija informacija, Bibliografija Bosne i Hercegovine 2, Bibliografska kontrola II, Baze podataka, IP Informacijski izvori i službe, Informacijski sistemi i mrežniservisi, Informacijski sistemi, Oblikovanje i održavanje mrežnih stranica, Osnove web dizajna*) na Odsjeku za komparativnu književnost i bibliotekarstvo,

Komisija donosi zaključak da je dr. Lejla Hajdarpašić, nakon izbora u zvanje docenta, ostvarila slijedeće rezultate:

1. provela je cijeli izborni mandat u zvanju docenta (u to zvanje izabrana je 2015. godine) i to na oblast na koju se bira
2. objavila je jednu naučnu monografiju
3. objavila u relevantnim časopisima (8) i zbornicima (3) rada, te jedno poglavlje u knjizi
4. bila je mentor na pet (5) završnih radova/magistarskih (bolonjski sistem). Za sva navedena mentorstva podnijeta je relevantna dokumentacija
5. sudjelovala je na jednom (1) međunarodnom projektu, na kojemu je bila koordinator, te na tri domaća projekata
6. bila je članica Uređivačkog odbora Međunarodne konferencije *Evropske smjernice za saradnju biblioteka, arhiva i muzeja: BAM – European guidelines for cooperation between local cultural institutions – libraries, archives and museums* (2016.)
7. posjeduje višegodišnje iskustvo u naučnom i nastavnom radu


Na osnovu temeljitog uvida u biografiju, bibliografiju i priložene radove dr. Lejle Hajdarpašić, Komisija je zaključila da je riječ o naučnici koja, osim što ispunjava zakonom propisane uvjete, ima i veliki društveni i stručni angažman u podizanju kvaliteta bosanskohercegovačkog bibliotekarstva kroz rad stručnih tjela i organizacija u ovoj oblasti. Njeno naučno i profesionalno djelovanje potvrđuje i učešće u međunarodnim i domaćim projektima, među kojima posebno ističemo vođenje zahtjevnog ERASMUS+ projekta za UNSA pod nazivom *Library Network Support Services (LNSS): modernising libraries in Western Balkan countries through staff development and reforming library services* (561987-EPP-1-2015-1-IE-EPPKA2-CBHE-JP), koji je trajao od 2015. do 2018. godine.

Na temelju analize i rezultata iznijetih u ovom Izvještaju vidljivo je da su naučne, stručne, nastavno pedagoške reference i kompetencije koje pokazuje **dr. Lejla Hajdarpašić**, dovoljne da joj se dodijeli izbor u akademsko zvanje **vanredni profesor** za PODRUČJE (OBLAST): DRUŠTVENE NAUKE, POLJE: INFORMACIJSKE NAUKE, GRANA: BIBLIOTEKARSTVO (PREDMETI: *Bibliografija Bosne i Hercegovine 1, Organizacija informacija, Bibliografija Bosne i Hercegovine 2, Bibliografska kontrola II, Baze podataka, IP Informacijski izvori i službe, Informacijski sistemi i mrežniservisi, Informacijski sistemi, Oblikovanje i održavanje mrežnih stranica, Osnove web dizajna*) na Odsjeku za komparativnu književnost i bibliotekarstvo Filozofskog fakulteta Univerziteta u Sarajevu.

Sastavni dio ovog Izvještaja čini akt Stručne službe Filozofskog fakulteta Univerziteta u Sarajevu br. 03-02/380 od 06.05.2020. godine.

Sarajevo, 25. 5. 2020.


Prof. dr. Senada Dizdar, predsjednik



Prof. dr. Lejla Kodrić Zaimović, član



Prof. dr. Mario Hibert, član



Izvještaj usvojen na ^{e-}sjednici Vijeća Odsjeka održanoj 3.6.2020. godine

Prof. dr. Edin Pobrić

haris.krajina@ff.unsa.ba

From: Edin Pobrić <edin.pobric@gmail.com>
Sent: 03 June 2020 13:29
To: Haris Krajina
Subject: Re: Saglasnost

Dragi Harise,
Imaš moju saglasnost da materijal ide u dalju proceduru.

Srdačan pozdrav!

Edin Pobrić

prof.dr. Edin Pobrić
Filozofski Fakultet u Sarajevu
Franje Račkog br. 1
71 000 Sarajevo

Tel. + 387 33 253 130
edin.pobric@ff.unsa.ba

sri, 3. lip 2020. u 13:05 <haris.krajina@ff.unsa.ba> napisao je:

Poštovani profesore,

Obavještavam Vas da je Odsjek jednoglasno usvojio sve tačke dnevnog reda.

Molim Vas da mi putem maila date svoju saglasnost na Izvještaje Komisije za izbor vanrednog profesora i docenta, kako bi iste uputio u dalju proceduru.

Srdačan pozdrav,

Haris Krajina